



STORTINGET

#Siifra (#Sanopois)

KUNKA OLET MYÖTÄ YHTHEISKUNNANDEBATISSA



#Siifra
(#Sanopois)

#Siifra (#Sanopois)

Kuncka olet myötä yhtheiskunnandebatissa?
Opas siihen kuncka saatat olla myötä hyvässä
debatissa, missä sie ja toiset tunnethaan ette se
oon tila sannoot oman meiningin!

CASE:

Thea (14)) meinaa ette se olis tärkkee saaja uuen pallokarsinan kranni-
alale. Hän kirjottaa meinigin assiista lokaaliaviisissa ja argumenteeraa ette
heän likeltä vailuu vapaa-aijan tarjous lapsile ja nuorile. Thea kirjottaa kans
ette politikkerit häytyis auttaat ette rakenttaat pallopaikan koulun likele.
Ko lukkiijanmeinigin annethaan ulvos aviisissa – präntilä ja netilä – sen
jajethaan kans aviisin Facebooksivula. Kommentaarit huilathaan aviisille.
Monet oon positiiviset, mutta toiset kans negatiiviset ja se oon jotkut
pelottaavatki kommentaarit.

#SIIFRA-GUIDEN:

Erilaiset vastaukset Thean lukkiijanmei- nikkhiin	Eksemppli	Kuncka Thea saattaa kohata kommentaarit	Eksemppli	Kuncka sie saatat olla jokapäivänsankari toisile
1. Assiargumentasjuuni	- Komuunin tutkimukset näytechään ette se ei piä laittaaat pallopaikkaa - Se maksaa paljon rahhaa - Ala tarvittee lastentarhan ja sille oon tyhä yksi sija - Likimälle pallopaikale ei ole lyhykäistä ja turvalista tietä	- Argumenteeraa assiilisesti - Pyyjä kalttiita - Näytä faktat mikkä lujittaa hänen assiita	Ko kriitikkerit otethaan framile tyhä ökonomiin, saatat sie tuoa framile kans lasten fyysisen ja psyyykkisen tervheyen. Kysy, kuka oon tehny tutkimukset. Piian sielä oon faktat mikkä ei piä paikan.	Ole myötä debatissa #Siifra (#Sanopois) ette Thea vastaa hyvin ja hänelä oon poengit – vaikka sie meinaat muuta.
2. Persoonakritikki	Paskakläpiti! Semmoset ko sie että ymmära mithään siitä mihin rahat piethään.	#Siifra (#Sanopois)	Se ei ollu soma. Eikö sinula ole paremppaa sanomista? Oonko sinula argumentit?	#Siifra (#Sanopois) ette ei semmoset kommentaarit kuulu hyvähään debatthiin. Sano Theale ette hän oon ollu assiilinen vaikka sie et ole yhenmielinen.
3. Juksateknikki - kuttuthaan usheen härskiksi teknikiksi - epäassiiliset verttaukset	Hyvä pikku ystävä, tämä oli nyt liikaa sinun pikku pääle. Eikös se ole parempi ette sie olet sinun ikäkaveriitten kans ja annat raavhaitten triivata politikki?	#Siifra (#Sanopois) ette härskit teknikit oon juksaa	Hei sie sielä! Ko piät härskii teknikkii niin se tullee vaikkee puhhuut assiista.	#Siifra (#Sanopois) ette vailut teknikit oon juksaa. Ylistä Theaa ette hän oon ollu assiilinen vaikka et ole yhenmielinen.
4. Vihapuhet ja ahistelu	Pikku tyttäriilä niinko sinula ei pitäis olla lupa kirjoittaat, sinun pää oon pumpullii.	#Siifra (#Sanopois) Se ei tarvitte tasan vastata	Minula, niinko kans sinula, oon oikeus sannoot mitä meinaama. Jos sie et aijo tingata assiilisesti, se oon parempi olla vaiti.	#Siifra (#Sanopois) ette se ei ole höölii, ei lapsile eikä täysile, ja raporteeraa kommentaarista. Kysy Thealta pölästyikö hän, ja vakuuta hänele ette vaikka joku oon ilkkeet, niin oon hyvä sannoot oman meiningin.
5. Uhkhaus	Pallopaikka minun seinän takana??? Mie KIELÄN sen ette pallot paukuthaan seinhään. Jos mie NÄJEN sinun pallon kans minun talon likelä niin mie tulen ja pieksen sinun.	Raportoi nettisivule debatista. Jos uhka oon vakava niin arvele ilmoatko puletille / Se ei tarvitte tasan vastata.	Mie näjen tämän uhkauksenna. Mie olen raporteerannu sinun kommentin ja mie arvelen ilmoatusta puletille uhkauksesta.	#Siifra (#Sanopois) ette se ei ole höölii, ei lapsile eikä täysile, ja raporteeraa kommentaarista. Kysy Thealta pölästyikö hän, ja vakuuta hänele ette vaikka joku oon ilkkeet, niin oon hyvä sannoot oman meiningin.

5 NEUVOO NUORILE KEKKÄ AIJOTHAAN OLLA MYÖTÄ

1. Sano mitä meinaat. Ko sinuu saatethaan kuula, niin se oon isompi maholisuus ette sinun assii saapi ratkasun mitä sie toivot.
2. Opi enämen assiista, piian saatat hakkeet neuvoo eli olla myötä organisasjuunissa eli yhistyksessä?
3. Joku oon erimielinen sinun kans. Se oon lupa. Piian saatat pyytää jotaki opasta ette auttaat sinuu kritikin kans?
4. Jos sie saat vastaukset mikkä tunnuthaan ilkkeiltä, epämukavilta eli pelottavilta, pyy räavhailta appuu!
5. Joku piethään monet konstit ko het tingathan. Opettele nämät konstit, niin et tule suruliseksi eli et ota niitä persoonallisesti.

5 NEUVOO RAAVHAILE KO HET KOHATHAAN LAPSET JA NUORET KEKKÄ HALUTHAAN OLLA MYÖTÄ

1. Muista ette lapsi oon lapsi. Aikuisella oon aina eesvastaus kunka hän oon myötä debatissa.
2. Jos sie kommenteeraat netissä eli aviisissa, katto olisitko sie sanonu sen saman jos lapsi seissois sinun eessä.
3. Piä sananvaphautta niin ette se synttyy hyvä debatti kaikile ja kaiken ikäisille. Heijaa nuorile äänile joka tappauksessa!
4. Jos näjet uhkauksii, ahistellui eli muita ei-hyväksytyi kommentaari – ole jokapäivänsankari ja #Siifra #Sanopois!
5. Ota nuoret toesti. Heilä oon meinigit mitä raavhaat häythään kuula. Vaikuta siihen ette lapset ja nuoret saahaan hyvän debattielämyksen.